



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTO 0020374 21
Sarajevo, 21.07.2022.godine

SUD BOSNE I HERCEGOVINE
SARAJEVO
-Sudiji za prethodno saslušanje-

Na osnovu člana 35. stav 2. tačka i) i člana 226. stav 1. Zakona o krivičnom postupku Bosne i Hercegovine, p o d i ž e:

OPTUŽNICU

Protiv:

██████████ **GORANA GORANOVIĆA**, ██████████ rodenog ██████████ 1980. godine u Šamcu, ██████████
██████████ ██████████ državljanina BiH i
R. Srbije, ██████████

██████████ **ŽELJKA STAVRIĆA**, ██████████ rodenog ██████████ 1987.
godine u Gradačcu, ██████████

Što su:

U vremenskom periodu od početka 2020. godine sve do dana 25.02.2022.godine, na području Bosne i Hercegovine, iako su znali da se radi o opojnoj drogi, kao i da nemaju odobrenje nadležnog organa za nabavku, prevoz, držanje i prodaju opojnih droga, radi sticanja protivpravne imovinske koristi: **Goranović Goran**, organizovao i rukovodio grupom ljudi u smislu člana 1. stav (21) KZ BiH, radi neovlaštenog međunarodne nabavke iz Crne Gore i R.Srbije, te držanja-skladištenja i prodaje opojnih droga u Bosni i Hercegovini, i to opojne droge „Cannabis“ i „Kokain“ koja je Konvencijom o psihotropnim supstancama od 1971.godine i Rješenjem o popisu opojnih droga („Službeni list RBiH“ broj: 2/92 i 13/94) proglašene opojnim drogama, a čiji je promet zabranjen u skladu sa odredbama Zakona o sprječavanju i suzbijanju zloupotrebe opojnih droga („Službeni glasnik BiH“ broj. 8/06), čiji su članovi postali ██████████
██████████ pa je tako organizovana grupa ljudi u više navrata, nakon što je **Goranović Goran** sa ██████████ dogovorio nabavku opojne droge „Cannabis“ iz

Crne Gore u Bosnu i Hercegovinu ili opojne droge „Kokain“ iz R.Srbije u Bosnu i Hercegovinu, po organizovanom i izvršenom prevozu iste preko legalnih ili ilegalnih graničnih prelaza iz Crne Gore i R.Srbije u Bosnu i Hercegovinu, do područja Doboja i šire, gdje je istu držao-skladištio na njemu poznatoj lokaciji, da bi po postignutim dogovorima sa članovima grupe i drugim njemu poznatim licima koji su istu konzumirali ili preprodavali na teritoriji Bosne i Hercegovine, sam ili zajedno sa **Stavrić Željkom**, prevezenu opojnu drogu prevozili i prodavali za veće novčane iznose u zavisnosti od vrste opojne droge i to na području Šamca, Modriče, Gradačca, Orašja i Odžaka, čime su pribavili protivpravnu imovinsku korist u iznos od najmanje 32.496 KM, na način da su u najmanje opisanim događajima:

Goran Goranović, sa [REDACTED], i njemu poznatim licima:

1. Dana 30.07.2021. godine, sa licem [REDACTED] dogovorio količinu i cijenu opojne droge „Cannabis“ i „Kokain“, te istog dana, sa njemu poznate lokacije preuzeo i u vozilo marke „Porsche“, model „Cayenne“, registarskih oznaka [REDACTED] smjestio oko 34,482 grama „kokaina“ i oko 281,997 grama „Cannabisa“, te upravljajući vozilom istu prevezao na parking prostor iza benzinske pumpe „[REDACTED]“ u Modriči, gdje opojnu drogu predao licu [REDACTED] za novčani iznos od 750,00 Eura i 3.500,00 KM;
2. Dana 15.09.2021. godine, sa licem [REDACTED] dogovorio vrijeme, mjesto, količinu i cijenu opojne droge „Cannabis“ i „Kokain“, sa njemu poznate lokacije preuzeo i u vozilo marke „Peugeot“, registarskih oznaka [REDACTED], smjestio 4 (četiri) pvc kesice u ukupnoj količini 221,241 grama opojne droge „Cannabis“ i jednu pvc kesu u kojoj se nalazilo 151,598 grama opojne droge „kokain“, te upravljajući vozilom istu prevezao na parking prostor supermarketa [REDACTED] u Modriči, gdje je opojnu drogu predao licu [REDACTED] za novčani iznos od 5.000,00 Eura i 8.250,00 KM;

Goran Goranović, [REDACTED] Stavrić Željkom i njemu poznatim licima

3. Dana 15.11.2021. godine, sa licima [REDACTED] dogovorio vrijeme mjesto, količinu i cijenu opojne droge „Cannabis“ i „Kokain“, da bi, po prethodnom dogovoru, sa njemu poznate lokacije na području opštine Šamac, zajedno sa **Stavrić Željkom** opojnu drogu smjestili u vozilo marke „Fiat“, model Puno, registarskih oznaka [REDACTED], i to šest pakovanja opojne droge „Cannabis“ u ukupnoj količini od 2.127,09 grama, nakon čega je **Željko Stavrić** dovezao opojnu drogu „Cannabis“ u putničkom motornom vozilu ispred supermarketa [REDACTED] u Modriči, za koje vrijeme se Goranović Goran kretao ispred u vozilu marke „Porsche“, model „Cayenne“, registarskih oznaka [REDACTED], radi izviđanja putne komunikacije, gdje je Stavrić Željko po uputama Goranović Gorana predao crnu putnu torbu, u kojoj se nalazila opisana količina opojne droge licima [REDACTED] za novčani iznos od 9.500,00 KM;

Goran Goranović, [REDAKTIRANO] i njemu poznatim licima:

4. Dana 25.02.2022.godine, sa licima [REDAKTIRANO] dogovorio vrijeme, mjesto, količinu i cijenu opojne droge „Kokain“ i opojne droge „Cannabis“ u količini od 3 kilograma za novčani iznos od 15 800 KM, sa njemu poznate lokacije uzeo i smjestio u vozilo marke „Peugeot“, registarskih oznaka [REDAKTIRANO], opojnu drogu „Kokain“ bruto mase 304 grama, te upravljajući istim na parking prostoru ugostiteljskog objekta [REDAKTIRANO] opština Šamac, gdje je opojnu drogu predao licima „[REDAKTIRANO]“.

Dakle,

1. **Osumnjičeni Goran Goranović** organizovao i rukovodio organizovanom grupom ljudi, prevezio radi dalje prodaje, nudio na prodaju, držao, prodavao i na drugi način stavljaio u međunarodni promet supstance koje su propisima proglašene opojnim drogama.
2. **Osumnjičeni Željko Stavrić** postao član organizovane grupe ljudi, te je prevezio radi dalje prodaje, nudio na prodaju, držao, prodavao i na drugi način stavljaio u međunarodni promet supstance koje su propisima proglašene opojnim drogama.

Čime su počinili:

1. Osumnjičeni **Goran Goranović** Krivično djelo Neovlašteni promet opojnim drogama iz člana 195. stav 2. KZ BiH, u vezi sa stavom 1. istog Zakona.
2. Osumnjičeni **Stavrić Željko** Krivično djelo Neovlašteni promet opojnim drogama iz člana 195. stav 1. KZ BiH.

**TUŽILAC
TUŽILAŠTVA BOSNE I HERCEGOVINE**